

## AKTIVNOSTI ČLANICA OMLADINSKE MREŽE BIH



INSTITUT ZA RAZVOJ MLADIH KULT

Ul. 4. viteške brigade 34-36 BA, 71210 Ilidža, Sarajevo

E-mail: [kult@mladi.org](mailto:kult@mladi.org)

Tel.: 033 778 778; fax: 033 778779

Web: [www.mladi.org](http://www.mladi.org)

### **✚ Završen prvi modul obuke Mladi odlučuju!**

Mladi aktivisti/ce iz BiH prisustvovali su prvom modulu obuke za vršnjačke edukatore/ice *Mladi odlučuju!*. Tokom prvog modula mladi su se detaljnije upoznali s temom Volonterstvo, građansko društvo i omladinski aktivizam. Kroz interaktivne radionice, simulacije, prezentacije i mini istraživanja te uz podršku iskusnih voditelja/ica obuke, mladi su stekli znanja i vještine koje će iskoristiti kako bi poboljšali položaj mladih u svojim zajednicama. Mladi su istakli da su mnogo naučili te da s nestrpljenjem očekuju nastavak obuke *Mladi odlučuju!*.



### **✚ Mladi Moldavci/ke poručili "Tinerii decid!"**



Prvi od četiri modula obuke za vršnjačke edukatore/ice *Mladi odlučuju!* (Tinerii decid!) u Moldaviji održan je u Kišnjevu. 20 učesnika/ca iz svih dijelova zemlje, predstavnika/ca moldavskih omladinskih organizacija, imali su priliku naučiti nešto više o temi Volonterstvo, građansko društvo i omladinski aktivizam.

O uspješnosti prvog modula obuke govori činjenica da su mladi pokazali izuzetnu motivaciju za stjecanjem novih znanja, za koja kažu da će ih iskoristiti za iniciranje pozitivnih promjena u omladinskom sektoru u Moldaviji.

S obzirom da su prilike za stjecanje neformalnog obrazovanja u Moldaviji izuzetno rijetke, mladi su istakli da je za njih ova obuka izuzetno važna te da s nestrpljenjem očekuju njen nastavak.

### **✚ Službenik za mlade Općine Glamoč - sretni dobitnik laptopa!**

Online baza službenika/ca za mlade koja se nalazi na internetskoj stranici [www.sluzbenici.mladi.org](http://www.sluzbenici.mladi.org) sadrži osnovne podatke o lokalnoj zajednici i službenicima/ama za mlade iz cijele BiH.

Ova baza je mjesto gdje će se mladi iz svih lokalnih zajednica u BiH informirati o položaju mladih na lokalnom nivou i dobiti kontakte svojih službenika/ca za mlade. Metodom slučajnog izbora, među potpuno ispunjenim obrascima u bazi, za sretnog dobitnika laptopa izabran je službenik za mlade općine Glamoč, gosp. Boris Lukajić. Ovim putem mu čestitamo i nadamo se da će ovu nagradu iskoristiti za svoj daljnji angažman u radu s mladima.

## **✚ GRB (Gender rodno dudžetiranje) u strategijama prema mladima među drugim inicijativama u regiji**

Orodnjavanje strategija prema mladima i kreiranje rodno odgovornih budžeta za mlade inicijativa je koju Institut provodi u BiH, Srbiji i Hrvatskoj, a koja je promovirana na sastanku jačanja GRB kapaciteta u regionu koji je održan u Albaniji. Svoja iskustva o radu na GRB temi podijelili su predstavnici iz Albanije, Makedonije i BiH. Prezentirane su inicijative u primjeni GRB-a s ministarstvima agrikulture i ministarstvima finansija ovih zemalja.

Institut je s GRB timovima iz drugih zemalja podijelio iskustvo jačanja kapaciteta nevladinog sektora na lokalnom nivou, kao i uključivanja državnih službenika/ca za mlade u cijeli proces koji ide smjerom revizije strategija prema mladima s GRB aspekta i integriranja preporuka za njegovo uključivanje od strane obučeni sudionika/ca.

## **✚ Osnovano 41. vijeće mladih u Federaciji BiH, Vijeće mladih općine Zenica**

Potpisivanjem osnivačke odluke, 14 nevladinih organizacija iz Zenice formirale su Vijeće mladih koje će djelovati na području općine Zenica. Vijeće mladih ima obavezu djelovanja na jačanju uključenja mladih u društveni život zajednice i njihovom informisanju, edukaciji te moralnom osvještavanju. Vijeće mladih će biti uključeno u proces izrade i provođenja strategije prema mladima općine Zenica.

## **✚ Fokus grupe za kreiranje politika prema mladima**

U organizaciji Instituta za razvoj mladih KULT održane su četiri fokusne grupe čiji rezultati će biti iskorišteni pri kreiranju kantonalne i federalne politike prema mladima. Mladi učesnici/e iz Federacije BiH razgovarali su o temama značajnim za mlade.

Njihovi stavovi o ovim temama bit će od velikog značaja prilikom kreiranja strategije prema mladima Federacije BiH i strategije prema mladima Kantona Sarajevo. Fokusne grupe su održane u okviru inicijative Podrška mladima u Federaciji BiH koju Institut realizira uz podršku Federalnog ministarstva kulture i sporta.

## **✚ Mlada preduzetnica Tanja Dogandžić otvorila štand unikatnog nakita T&V Arts**

Rijetki su primjeri uspješnih omladinskih biznisa, primjeri mladih koji su uz pomoć društva uspjeli osigurati redovan i značajan izvor prihoda. Rijetki su, ali postoje: mali VELIKI biznis mlade Tanje Dogandžić.

Mlada preduzetnica Tanja je tokom juna u Maloj Aleji u Ilidži upriličila otvorenje štanda unikatnog nakita T&V Arts. Tanja je pozitivan primjer mlade preduzetnice koja je iskoristila pruženu priliku i dokazala da se trud, odricanje i ljubav prema poslu koji obavljamo isplati te da se samo tako može mnogo postići. Štand unikatnog, originalnog i interesantnog nakita T&V Arts pronaći ćete u Maloj aleji u Ilidži, preciznije ispred objekta YU Caffè (Mala aleja 28).